

Quechua

Van Wikipedia

Dit artikel is gesjreve (of begós) in 't Mestreechs. Laes hie wie v'r mit de versjillende saorte Limburgs ómgaoen.

't **Quechua** (inheims **Runa Simi**, *minsetaol*) is 'n inheimse taol vaan Zuid-Amerikaanse Indiane, veurnaomelek in de middel-Andes. 't Kèrngebeed ligk in Peru en Bolivia, meh de taol weurt ouch gesproke in Ecuador, Colombia, Chili, Argentinië en 't Braziel. Ze heet zoe'n 10 miljoen sprekers en is daomèt de meis gesproke vaan al Indianetaole.

Quechua is 'n agglutinerende taol en is ing verwant mèt 't Aymara. De taol kint 'n aontal (hiel regelmaotig) naomvalle en kin wäörd mèt hiel vööl suffixe aoneinrijge; dit kump veural bij verbe veur. E bezoonderheid is tot me bij d'n ierste persoen miervoud versjèl maak tösse *veer alle*, *veer zoonder uuch* en *veer zoonder diech*. De taol weurt in drei dialectische hoofgróppe verdeild: Quechua I, Quechua II en Noord-Quechua. De veurnaomste versjèlle zitte in de oetspraak vaan plosief consonante. In de gebejer boe 't Quechua mie mèt 't Spaons mótt concurrere verluis 't snel terrein en kump 'n mingtaol op: 't *Media Lengua*, wat 'n Spaonse vocabulair en 'ne Quechua-grammair heet.

In Peru en Bolivia is 't Quechua neve 't Spaons 'n officieel landstaol.

Extern linke

- Tekst van leed in Quechua (<https://www.youtube.com/watch?v=0yAjqcEpNtY&feature=related>)
- Vertaling leed hiebaove in Ingelsj (http://www2.cpdn.org/wiki/index.php/Hanacpachap_cussicui_nin_%28Anonymous%29)
- Grammair vaan 't Quechua, op 't Spaons en 't Ingels (http://www.andes.org/q_grammar/html)



D'r is 'n **Quechuaanse editie** van Wikipedia, de vriej encyclopedie.

Aafkomstig van Wikipedia, de Vriej Encyclopedie. "<https://li.wikipedia.org/w/index.php?title=Quechua&oldid=369523>"

Dees pazjena is 't lèts verangerd op 24 mrt 2015, 22:38.

De teks is besjikbaar ónger de Creative Commons Naomsvermelding/Geliek Deile licentie. 't Is määgelik dat aanvöllende veurwaarde van toepassing zeen. Betrach de Algemein veurwaarde veur mie informatie.